

versim sordide albedo; membrana dilutius fusca, apice pulchre iridescente. Corpus subtus nigro-fuscum, sub-nitidum, vix punctulatum. Pedes sordide flavo-testacei, coxis trochanteribusque dilutioribus, albidis; tibiis parce spinulosis; tarsis leviter infuscatis.

25. *PACHYSTOMA evanescens*: ovata, nigra, opaca, pube depressa cinerea dense adpersa; prothorace brevi, antrorsum modice angustato; hemelytris abdomine brevioribus, subtiliter, crebre punctulatis, singulo apice rotundato, membrana nulla; geniculis, tibiis tarsisque rufo-ferrugineis; femoribus posticis crassis. ♂♀. Long. $1\frac{1}{2}$ — $1\frac{3}{4}$, lat. 1 — $1\frac{1}{4}$ millim.

In gramine locis aridis ad Anneberg Smolandiaë mense Julio individua quatuor inveni. Breviter nec alte saltat.

Magnitudine et statura fere *P. saltantis*, prothorace brevior, latior ut et colore ab illa facile distinguitur. Caput magnum, prothoracis apice latius, sub-triangulari, nigrum, opacum, sub-læve, supra modice convexum; rostro inflexo, rufo-ferrugineo; oculis sat magnis, ovatis, convexis, nigris. Prothorax brevis, transversus, antice posticeque truncatus, lateribus a basi ad apicem sensim nonnihil oblique angustatis, supra paullo convexus, niger, opacus, pube depressa, cinerea adpersus. Scutellum triangulare, nigrum, opacum, supra sub-planum, pube depressa, cinerea adpersum. Hemelytra abdomine breviora, supra fere plana, nigra, parum nitida, subtiliter, crebre punctulata, pube depressa, cinerea sat dense obsita, singulo apice rotundato; membrana nulla. Corpus nigrum, haud nitidum, tenuiter cinereo-sericeum. Pedes nigri; femoribus posticis crassis; geniculis, tibiis tarsisque rufo-ferrugineis; tibiis posterioribus extus parce nigro-spinulosis.

Observ. Affinis *Pach. minori* Costa Ann. Ent. X. 289. 6. T. 6. f. 4 a, geniculis, tibiis tarsisque rufo-ferrugineis, hemelytris postice rotundatis ab illa mox distincta.

26. *GLOBICEPS gracilis*: oblongus, nigro-æneus, sub-opacus, lævis; capite magno, oblongo-triangulari; antennis basi pedibusque fusco-testaceis, metatarsis albidis; prothorace angusto, postice valde constricto; hemelytris dilute fuscis, fasciis duabus latis albis, apice membranæ sordide albedo; abdomine basi valde constricto. ♂♀. Long. 5, lat. $1\frac{3}{4}$ millim.

Globiceps gracilis SAULS. Mon. Geoc. Fenn. p. 123. 1.

In Westrogothia ad Sparresäter individua duo a Dom. C. J. SCHÖNHERA lecta. In Ostrogothia ad Gusum Dom. P. F. WAHLBERG.

Species valde singularis, forma capitis, prothoracis, scutelli abdominisque ab omnibus insigniter distincta. *Capso histrionico* non latior, sed brevior. Caput antice visum magnum, oblongo-triangulari, latitudine multo longius, nigro-æneum, sub-læve, parum nitidum, utrinque infra oculos macula sat magna apiceque ferrugineis; rostro inflexo, fusco-testaceo; oculis sat magnis, rotundatis, convexis, nigro-brunneis. Antennæ longitudine corporis, sub-tenuis, articulo primo capite transverso vix longiore, reliquis nonnihil crassiore, secundo longissimo, flavo-testaceis, hoc pone medium nigro, tertio quartoque nigro-fuscis, nonnihil tenuioribus, illo basi albedo-annulato. Prothorax antice ca-